

中國方志叢書·第四十六號

據清光緒十九年重刊本影印

廣東省

潮州府志

(二)

成文出版社印行



10101756

中華民國五十六年十二月臺一版

潮州府志

全二冊

定價：新台幣七二〇元正

發行人：黃成助

臺北郵政信箱二二六〇五號


出版者：成文出版社

臺北郵政信箱二二六〇一〇五號
電話：九二二〇一〇五號

印刷者：正大印製廠

三重市長生街二號之一

內政部登記證內版臺業字第一一四七號



潮州府知府周碩勳

人物中

孝友

宋

盧順之海陽人紹熙四年進士授肇慶軍節度判官念母老歎曰一日甘旨之娛猶勝十年仕宦之樂遂乞歸終母喪卒年三十九

元

李開字子翼海陽人早喪父事母至孝至正間元兵潮州府志 卷二十九 人物 孝友 一 朱蘭書屋

逼城關負母夜出避居里中授徒以養學者稱北源先生

明

林祖字述古潮陽人少孤元末奉母避亂遇獠賊母被掠日夕悲號山谷中求之不獲明初寇平祖走埕鄉見之輦中母子相持而泣中間十四年矣洪武二年舉明經以母老不就十三年母歿復舉孝廉賜衣九襲鈔五百貫授巴縣丞尋遷河間府判官致仕卒

林希蔭字宜民揭陽人父客死貸錢扶柩歸葬奉母

甚謹母歿廬墓三年妻亡不再娶永樂朝舉孝廉不就曰祿不逮養奚仕爲天順間海寇剽劫過其門相戒曰林某之家也勿犯族兄與鄉人訟郡守召希蔭至涕泣言曰至誠不能化族黨非善也證兄沽名非直也守益賢之

鄭璣字文象潮陽人幼失母已復喪父獨與繼母及二弟居繼母愛其所生璣事之愈謹比長弟請析產璣聽弟所取自收其荒且敝者母爲感泣正統丁卯舉人署靈川教諭歷國子監學正教人先義利之辨取與無所苟卒於官

潮州府志

卷二十九 人物

孝友

二

朱蘭書屋

黃濬字元浩潮陽人父以解運客死於虔濬方幼母告以故輒痛絕歲時薦奠遙望哀號或竟日不食稍長走虔州負父骸歸尋與其母合葬焉中景泰丙子舉人授沅州學正改萬州左遷漳州訓導卒於官

王隆字宗道澄海南洋人父彰仕刑部郎中貶死大同隆時年十六走萬里扶柩歸葬母痛父死於官命隆焚筆硯隆隄曰此非父所樂聞也捧書而泣因得就學中天順己卯舉人授滁州學正秩滿乞歸奉母終身不出

周成字朝美海陽人成化乙酉舉人授岷山教諭歷任翰林博士有至性間寢視膳寒暑不間居喪盡禮盡哀有司旌其門

李方饒平人家貧業漁以鮮美者先進母餘鬻諸市成化甲辰颶風作海水大漲避之不及抱母以死邑令張璿爲具棺以殮且旌其事

李大綱字宏舉海陽人早喪母事父以孝聞父歿水漿不入口者五日廬墓三年著家禮易覽中成化丙午舉人自傷榮不逮親不與鹿鳴宴士論重之林濟民字逢泰海陽人弱冠時母病篤命之娶婦及潮州府志

卷二十九 人物 孝友 三 珠蘭書屋

門而母卒寢苦枕塊不入內室既葬廬墓三年服闕始合卺中成化丙午舉人授龍巖教諭升輦榆令以廉惠著卒祀鄉賢

黃復香潮陽人事親能孝父沒哀毀骨立喪葬盡禮體父志創建祠堂置祭田扶危恤族人多德之卒年八十二

李越普寧人家貧事父有至性嘉靖壬午父年七十爲賊所掠號泣奔救賊曰孝子也竟釋之父歿哀毀骨立不御酒肉不內寢歷三年如一日

周則義揭陽人少孤備耕事母晨夕定省不怠江鮮

野菼必力致以進自甘飢寒其妻鍼之曰何自苦爲遂逐之母卒無葬地邑人林文捐田一區以葬曰以優孝子其邨曰義邨以則義得名

吳循忍饒平諸生嘉靖庚申倭賊掠下灣擄其母去勒之贖循忍奔泣曰母老不能行乞以身代賊並執之莫知所終

賀孟南父國相大埔諸生嘉靖庚申流寇張斫手破三河城孟南父子俱被掠分處各營賊曰而父已殺蓋給之也孟南慟哭罵賊不絕口賊竟殺之

周文翰饒平諸生嘉靖辛酉倭陷大埔所父政被擄潮州府志

卷二十九 人物 孝友 四 珠蘭書屋

厚索無以應賊移營將繫之去文翰乞以身代曰君輩不過欲錢耳豈有子往而父不贖之理賊許之竟釋其父

鄔須明字仲昭大埔人嘉靖甲子舉人授德州學正升壽寧令有治績致政歸卜築一區伯仲六人同寢食怡怡如也同學鮑生有冤力爲營救口不言功

黃良豐海陽冷家子嘉靖時人性至孝父母色不悅毀奉杖跪請必解頰乃已執父喪三年飲水茹葷既葬結廬側日粥治以養母夜則就宿焉或

與之食必歸以遺母居母喪值倭寇至抱棺哭曰
母無恐兒在此倭爲感動引去

唐具兆字帶溪惠來人讀書負大志嘉靖間亂母被
擄入賊營兆乞以身贖白刃加頸屹然不動賊相
顧感嘆並釋以歸年九十舉鄉飲賓壽滿百而卒
王寔揭陽人家貧能孝父病篤籲天割股以進病尋
愈後父歿未葬值颶風大作海水蕩民居寔抱父
棺號泣隨風飄逝俄反風棺泊岸人以爲孝感云
陳民則饒平人嘉靖末倭寇大埕所民則匿復壁中
弟民儀爲二賊爭擄將殺之民則從復壁中出大
潮州府志 卷二十九 人物 孝友 五 珠蘭書屋
呼曰此吾弟願俱擄我兩賊爭息弟得勿殺各擄
一人以去

黃鳳盛字若山饒平人嘉靖末父允德爲倭寇所掠
鳳盛出入鋒刃間求父不得仰天號泣誓不與賊
俱生鄉里哀之與仲兄處貧甚勉兄力學自爲人
傭耕以供朝夕雖一味之甘不獨享也子錦貴贈
尙書

林大材字和坡潮陽人性孝友嘉靖末倭寇亂兄與
母各逃竄大材子身冒險求之俱獲生還子萃芳
仕戶部主事贈如其官

周光訓字國敷潮陽諸生性至孝母久病思食梨時
嚴冬訓泣禱梨樹下越宿不花而實者五枚母啖
之病愈事兄恭謹自少至老家事必稟命乃敢行
瓜田一帶三實人謂和氣所鍾云

陳其美字卿寔海陽古樓人狀魁梧美鬚髯博通經
史萬歷丙子舉於鄉少孤事母至孝疾病不離側
湯藥必親嘗壬午冬計偕上春官道卒同年友鄭
育漸表其墓曰昔韓昌黎爲歐陽生哀辭云詹事
父母盡孝道雖未得位其聲名流於人其德行信
於朋友由今觀之謂陳君卽歐陽生可也里人以
潮州府志 卷二十九 人物 孝友 六 珠蘭書屋
爲實錄

方一鳳字嘉虞惠來人萬歷辛卯以歲貢起廷試念
母老不謁選歸踰五年母促之行始就銓得上詹
訓導抵任甫三月仍乞歸養終母之年定省無間
卒祀鄉賢

陳琳惠來人閉戶讀書不染塵俗父歿廬於墓側釋
服始歸年逾七十猶好修不倦子尙志萬歷丁酉
舉人

方應福字輝斗惠來人應天啓三年歲薦丙寅考授
州判辭不就母八旬歿悲慕不已至刻像以祀從

姪可健幼孤撫之如已子與兄營先室攜祭田葬外祖宗黨稱之無間云

王堯欽普寧人鎔錫爲業事親以孝聞父歿廬墓三年縉紳相引往弔萬歷間欽至白銀渡掘地得金不以自私添貲募工修渡行人便之

方兆元字輝鼎惠來隆井都人幼失怙攻苦讀書爲諸生屢困場屋以歲薦終其身事母林氏孝謹母患目凡飲食起居躬爲調護者十年

許國佐字班王揭陽人性豪宕嗜酒工詩崇正辛未

進士授富順令升兵部主事乞歸養丙戌九軍賊

潮州府志 卷二十九 人物 孝友 七 珠蘭書屋

劉公顯等破揭陽母被執國佐自縛詣賊營請以身代賊並繫之拷掠無完膚厲聲大罵死

林有紀字典三惠來人父月陽客死處州紀髫年走

數千里扶柩歸葬長遊邑庠崇正甲戌海寇劉香

老之亂母方氏被擄紀外歸聞難號泣入賊營給

日願百金以贖賊釋母歸留紀爲質踰期金不至

賊逼之紀從容曰爲子死孝分也遂遇害

陳祖訓潮陽人崇正壬午舉人生平甘淡泊恥干謁

請尙書正義從遊者甚衆老年孺慕益篤以孝聞

陳表字開埤惠來龍溪都人性至孝痛親早歿難豚

不逮每祭祀必泣當餽輒嗚咽不下食里人化之

稱爲陳孝子少年力學不遇甲申世變家產蕩盡

所得升斗必與鄰里分之共延旦夕迨亂平芒鞋

竹杖歌咏山林壽八十五

薛學參字周魯海陽人事親至孝兄弟有五甘苦與

共尺帛不以自私母患目疾晨起以舌舐其眇旋

愈明季潮大亂負母避東山之峯客鄉時土寇四

掠相戒不入其廬博覽諸史百家究心濂洛以聖

賢自期聞甲申之變慟哭淚承睫者累月續修三

山古蹟志及其先世詩文藏於家

潮州府志 卷二十九 人物 孝友 八 珠蘭書屋

詹明瑞惠來人性端謹尤有孝思遇先人諱日哀慕

不輟居恆正襟危坐子孫無敢褻見者嘗預卜壽

塋會從兄弟貧不能葬捐以與之其好義類如此

詹夢魁字雲島惠來人幼失怙事母篤孝母疾藥不

效焚香叩天乞以身代病果愈迨母歿哀毀骨立

卜宅兆於東山廬墓十二年邑令許直旌其門曰

慈雲錫類山林暇日以詩文自遣著東山遺稿

陳瑞海陽人幼失恃兩事繼母皆得其歡心父臥病

九年奉湯藥如一日裝衣穢物必親爲澣濯父憫

其勞使僕代瑞曰子職耳烏云勞鄰里教子者必

曰汝何不學陳瑞其感人如此

郭天禔揭陽人之奇次子弱冠補弟子員明末寇亂從父走荒域出萬死一生之奇入交趾被獲視以身蔽父刃揮其顙血涔涔不少却泊父死桂林扶櫬歸里負土築塋結茅廬墓事前後母能孝工詩文尤長於尺牘喜與鄉族談古禮娓娓不倦以明經老著屯園尺牘溪堂詩集

詹一漸字崇峰饒平人幼失怙事母張以孝聞遭明季之亂母竄失異方一漸踪訪十餘年由閩而吳達豫章江夏至桂林遇於途間時張氏年已七十潮州府志 卷二十九 人物 孝友 九 珠蘭書屋

形容憔悴幾不復識聞聲曰吾母也相持而泣及歸房產爲強者所踣亦不與校母沒日夕哀思老而彌篤每疾作必禱曰願與母逝同日子孫忌祭猶得侍食於側後果如其言

吳時茂字原進潮陽人少孤事母刻不離膝下晨昏服食必躬自奉視母病篤醫藥罔效茂禱天號泣割股食之母沒廬墓終年

陳大疇惠來人母病割股以進病尋愈母卒廬於墓側朝夕進膳如常儀邑令方之矩旌其門

方一鳴字儀冲惠來人少負至性六歲失怙哭泣如

成人禮爲諸生砥礪名節時從鄉先達遊爲人模茂寬和橫逆不校年未五十齋志以歿朋類惜之楊最大埔人郡庠生母患目翳最與妻更番以舌舐之數晝夜母目復明邑人稱孝子孝婦

劉茂新字種初號美五大埔人年十六失怙事母至孝人無間言以勤儉殖家與弟共享其成友愛彌篤先是遭寇亂被掠以至誠動賊得免

余良佐字旭韜澄海諸生親有疾侍湯藥衣不解帶親沒廬墓終年生平不設城府而亦能分涇渭祀鄉賢以子艷雪贈編修

潮州府志 卷二十九 人物 孝友 十 珠蘭書屋

陳淵饒平人年十六喪父家貧事母周篤謹母疾憂不食母食乃食撫幼弟成立分產受其瘠者後二弟亡淵撫仲之子夔季之子隱如已出性和易鄉里有爭者一言卽得其平而去

翁孟統揭陽人事母至孝母患目失明孟統夙夜禱天每舐以舌數月母目復明

周孝揭陽人少孤問其母曰兒何名母曰吾養汝望汝孝遂以孝名之家貧甚力田爲養朝必具衣冠拜而出暮歸復然歲早屢禱不應鄉人謂惟孝可以動天請於縣禮致之孝至虔禱果得雨有年人

呼孝子粟

廖欽訓字書紳大埔湖寮人爲諸生父客死胥江欽訓數千里奉遺骸歸哀毀骨立作續招魂賦卜林泉以老子見一好紀載凡災祥節孝無不備書談往事井井茶陽掌故首推見一

陳懋字子梅饒平人母喪廬墓三年由國學授雍府審理遷滕縣令改柳城教諭秩滿歸邑令延爲義塾師制行高潔一無所染祀鄉賢

國朝

蔡一誠澄海人性至孝父沒哀毀嘔血順治乙酉寇潮州府志

卷二十九 人物

孝友 十一

珠蘭書屋

變負母竄山谷間趾盡禿血淋漓不能履賊義而釋之喜周貧乏鄰人吳氏子孤且貧無所依誠爲授室存卹有加邑宰趙良佑高其行命董修南北隄時年逾七十相度經營隄工以竣卒年九十六謝運開饒平人父病晨夕侍湯藥歷十三年不倦父沒未葬值寇變身衛父柩不忍去賊感其孝置之順治乙酉捐貲築堡嚴守禦鄉里賴焉卒祀鄉賢林學舜字揖受惠來人幼喪父母撫弟妹俾克有成子兆聖應明經選順治乙酉寇困縣城兆聖招援退賊論功不與賞次兆賢順治辛卯舉人與兄並

稱賢幼子中杰居父喪哀毀不起與二兄訣曰弟侍先人地下矣兩兄勉事老母無以弟爲念尋卒年二十四

孫如錦字維熙揭陽人事親至孝順治丙戌九軍賊劉公顯等陷揭邑父死於賊如錦破家產變姓名側身山海間數年廉得其人瀝血鳴官置之法

方之孝字孺子惠來人州牧方廷蘭孫天啓丁卯舉人方錦子也廷蘭爲族克所殺錦赴省申雪族克

要於路又殺之孝甫成童悲憤誓復讐扶母遍控當事克人悉坐大辟讐乃復順治辛卯登賢書戊

潮州府志

卷二十九 人物

孝友 十二

珠蘭書屋

戌會試卒於旅次

林應璧字維象海陽人少司農熙春曾孫生五月失怙母周撫之成立璧事母至孝六十餘年承歡如一日事兄有源尤謹顏色無忤資財不私同爨者百人門以內藹如也 國初郝尙久踞潮城叛勢迫兄令潛出國援聞城陷復冒險入衝突鋒刃中脫母兄於難未幾鎮將劉進忠又叛應璧奉母居城內不得出其子世榕在外叛帥疑與王師通執應璧備受酷刑侃侃不屈久始得釋食餼三十羊以明經授昌化教諭履任數月而卒

丁維忠海陽庠生性至孝順治癸巳寇變父元應被擄持金往贖賊少之曰是區區者不可贖死僅贖尸耳忠請以身代乃釋父而殺忠父抱其屍慟哭葬湖山之北勒石曰全孝丁維忠之墓

莊會字魯庵惠來都水口鄉人髫齡補邑諸生順治甲午舉於鄉念父早逝編次遺文丐先生長者言以垂不朽因寇亂與弟炯營宅邑中糾諸叔同居一門雍睦至構祠以妥先靈捐租以伙祭業尤爲宗族所重丁酉同執友方之孝計偕北上中途孝病卒曾爲經理後事同人義之

潮州府志 卷二十九 人物 孝友 三 珠蘭書屋

唐世耀字九望惠來人封髀肉療母疾得瘳以孝聞順治甲午歲貢授高州訓導秩滿遷封川教諭所至士風丕振封地多逋賦邑令檄世耀催征從容勸諭民樂輸焉卒於官祀鄉賢子培字冠林康熙壬子舉人當謁選以繼母年老不忍離母卒服除授陝西兩當令未起任卒於都門

袁崧字章甫澄海諸生順治丁酉試歸父卒而海寇至或勸之亡崧曰吾不忍棄父貪生也寨破抱父屍死焉

謝簡撰字子莪海陽人康熙癸卯舉人性至孝以榮

不逮親每祭必隕涕持躬清介長子藩康熙甲戌進士官吏部郎中次子汀丙子舉人授中書舍人未仕卒

李華艷字兆協澄海人康熙癸卯舉人考授知縣父文諸生母王氏俱蚤死於亂華艷終身不與宴會衣冠不純采宗族昆弟待舉火者數十戶人稱孝友

鄭士鏹字金奏饒平人幼有文名年十六補弟子員事親以孝聞康熙甲寅海氛未靖劇賊何左虎掠黃岡父華若被執士鏹號泣從之請以身代賊逼潮州府志 卷二十九 人物 孝友 四 珠蘭書屋

從逆刃加其頸士鏹以計緩之繫數月賊械稍疎乃給守者竊負其父以逃會吳六奇開閩黃岡延入幕府勦撫機宜多出其策人以國士目之後竟以諸生終

方豹惠來人母病割股和藥以進同居者五世雍睦可風甲寅劉進忠之變族子被掠勒重金豹慨然鬻產贖之祀鄉賢

姚光祖海陽諸生家貧有至性兒時事父母如成人八歲兄死破涕爲嬉戲釋父母悲夜則淚泫泫盈枕席康熙甲寅劉進忠叛父棄家攜光祖逃光祖

戀母不肯出勢急父捷之乃行避風塘鄉鳳塘距城十里每聞炮聲望烽火起輒哀號禱天祐母叩頭流血時城禁甚嚴光祖負米潛入城視母蹈不測竟脫於難亂平父病侍湯藥數月目不交睫穢遺床褥手浣不避及歿號泣七晝夜勺水不入口母強之食勉盡一盂奉母廬墓側三年歲時祭祀必供所好朝夕視膳必致甘脆自忍飢作饜飮狀不欲以貧故遺母憂母歿哀禮如喪父時所居有燕來巢反哺如烏人謂純孝所感云

方應奎號先婁海陽人篤行力學事繼母盡孝父遺潮州府志 卷二十九 人物 孝友 五 珠蘭書屋

產頗裕悉推與兄應丁自甘蔬布食餽邑庠康熙十六年歲貢屆期以吳友年老讓之

陳延閣澄海人康熙辛酉武舉幼喪父撫衣服手澤輒垂涕事母極盡誠敬當流離寇亂定省如常儀母年八十卒哀毀幾殆生平慷慨濟人親友稱貸不能償悉焚其券

陳王猷字良可號硯村海陽人康熙辛酉舉於鄉性孝友異母弟四人祖父遺業悉與之秉鐸曲江連州遷肇慶教授所至得士心卒於官著蓬亭詩文

行世子學典庚子舉人

陳廷輝饒平人性至孝母黃氏寢疾六年藥必親嘗奉盤滌穢終日無倦容丙子歲歉途拾二十金遂止不去俟其人返覓還之學使惠公士奇旌其門溫學思字冲如澄海人康熙壬午副榜性至孝竭力事父母得歡心嘗語子姪曰二親生予晚迨予養而親年益就衰其如流光不返何父母相繼歿哀毀骨立服闋後與及門述先世事輒泣下不禁不啻誦蓼莪章也年六十六卒人號峩村先生

方留耕字安齋惠來隆井都人父煜應歲薦卒於途耕間闢扶輿跣足哀號見者感泣事祖父尤謹得潮州府志 卷二十九 人物 孝友 六 珠蘭書屋

母歡心友愛諸弟中康熙戊子舉人赴禮闈道病抵家數月卒

蔡中孚字輔卿海陽諸生事親至孝家貧累日不食而甘旨必以時進中康熙庚子舉人未幾卒監司姚仕琳爲置田贍其父郡人爲刊其遺文

蕭喬木字參雲澄海人考授州佐事親至孝康熙遷界之後家業中落奉甘旨如常儀父年逾八十喬木年亦六旬依依孺慕人以老萊目之性忠厚不談人過失扶危濟困尤多厚德云

周同俊字德瑜潮陽人幼有膽略九歲代父繫賊管

克免於難人稱其孝補弟子員淡於名場不求利達卒祀鄉賢子鳳來乙酉解元己丑進士選庶常蔡相體字任士澄海諸生事父母克盡子職有兄三人友愛甚篤皓首無分財家訓嚴肅婦女不踰閭闕左道不入其門長於詩工書法子長焯康熙癸酉舉人長熹庚子副榜

潮州府志

卷二十九

人物

孝友

七

珠蘭書屋

謝如晦字養亭揭陽梅岡布衣也性孝友早喪父母以不逮養爲恨遍歷名山擇吉壤負土成塋三年廬於其側士大夫慕其行誼多宗仰之卒祀鄉賢劉吉文澄海南洋鄉人幼孤家貧祖母生母孀守吉文謹事之勤力作以供菽水母病三年虔奉湯藥籲天祈以身代及歿哀慟感鄉里拮据營葬邑令以孝行可風旌其門

卓伯先號菁岸揭陽諸生事親孝母臥病侍湯藥累月弗懈所思飲食百方購致迫母卒伯先已凋瘵不支呼號屢絕病益甚越二十日卒卒時猶慟哭

曰吾母未葬目不瞑也著有月湄草堂集

許君顯字光齊普寧諸生百歲許覺全長子幼從塾師聽講卽知敦倫爲重早失恃事父篤孝遇疾侍湯藥不假僕婢年七十偕子若孫爲編爛舞彩之戲以娛其父邑令旌曰孝德可嘉

杜振林字大木普寧人性穎異年十八爲邑諸生母早喪事繼母維謹母疾奉湯藥衣不解帶焚香祝天乞以身代或詰曰身何所自振林潸然曰吾無母無以至今日也

蘇權字日嚴普寧人少孤力貧事母母病走數百里潮州府志

卷二十九

人物

孝友

大

珠蘭書屋

求藥療之迨家業稍裕以不逮養爲恨捐貲都烏洋田租近千石以贍蒸嘗年饑發廩賑濟全活者衆卒祀孝義祠

鄭憲度字奕樂號靜山潮陽人幼孤與之果不食懷之人問之對曰將以遺母稍長展父容輒涕泣悲不自勝母病篤籲天請代及歿哀毀骨立卜兆於梅花山山故有虎人不敢入憲度無所畏日夕負土成墳虎遁跡咸稱至孝所感子之僑進士知寶慶府贈如其官

林振抱字源長普寧諸生幼失怙事母孝家貧授徒

爲養擇館必近地省視無間兄弟五人振抱齒最長食指數十計終其身未嘗析箸母卒乃館於外往來過墓側悲號不忍去雍正元年舉優行教諭李國敏贈以句曰每欲逃名虛國士只知將母樂家人道其實也

詹士廣字德岸饒平人五月喪父幼穎異讀書如成人兩兄友敬念父志未遂兄弟同衾共几互相勉勵弱冠補弟子員登雍正丙午鄉薦以養親不赴公車母患痰喘彌月經旬衣不解帶兄式正任汧陽令士廣獨理家政一錢尺帛不以自私服食器用取其舊曰吾性所好也育諸姪如己子生平約以自奉不吝施予家居十載手不釋卷任東安教諭卒於官

潮州府志

卷二十九

人物

孝友

九 珠蘭書屋

黃顯生揭陽人家貧貿易讀書僅識字十二齡喪母哀毀骨立事繼母如所生父衍宗病夜禱於天願以身代病愈永誓長齋求增父壽算父歿寢苦枕塊廬墓三年雍正十二年旌表年六十三卒方習聖惠來人乾隆壬申恩貢幼孤事母孝甫十歲母稍不悅輒奉杖長跪色霽乃起及歿哀毀骨立當烈風雷雨疾馳守墓悲號不自勝生平嗜學授

徒以程朱語錄不沾沾舉子業甲戌渡臺男婦百餘人遭風幸不死流丐於道習聖醺金遣之歸黃全羽饒平人性孝友嘗隨父入山遇虎急前抱父虎攫其肩背無完膚終不爲動虎竟去母病侍湯藥不稍懈及歿號哭幾喪明弟全雙纔彌月與婦鞠育之夜聞啼聲輒驚起撫摩達旦事繼母如所生每焚香夜禱願減己算以益親壽云

文苑

宋

趙若龍字雲翔潮陽人進士迪功郎趙時依子生而潮州府志

卷二十九

人物

孝友

二十 珠蘭書屋

英異早歲工文登淳祐四年第一甲進士歷秘書省撰制誥事文章氣節推重當時

吳丙字汝光潮陽人原籍江西永福進士性耿介負節義博學工文辭知安浮有治績以薦擢提轄行在左藏朝散大夫賜紫金魚袋屢抗疏言事不報素與丞相文天祥善祥興間天祥起兵趨潮丙與俱知大厦不支遂家潮陽爲潮陽人晦跡方外著宗範及雜詠諸篇

明

林仕猷字叔文揭陽人洪武初由儒士授邑學諭升

本府教授能詩聲名動京師學士宋濂嘗云潮去
京八千里林君不出州里而予知其所造不既
深乎年六十六卒於官祀鄉賢

蘇福惠來神泉人有夙慧再歲而孤八歲屬文下筆
如有神助人號爲神童北山驛丞遇福拾穗隴上
戲日拾穗許村童卽應聲曰折梅逢驛使其警敏
類如此洪武間舉童子科赴京以年幼令有司護
還給月米所著秋風詞統扇行時多稱之其咏朔
月詩云氣朔盈虛又一初嫦娥底事半分無却於
無處分明有渾是先天太極圖王世正謂湛若水
潮州府志 卷二十九 人物 文苑 王 珠蘭書屋

恐不能到年十四歿

歐陽初字遂初潮陽人幼孤家貧母王氏教之力學
衣食取給女紅初刻苦自奮舉洪武庚午鄉試第
二教授泉州修文廟及朱文公祠秩滿調柳州出
其門者多志節之士

郭張善潮陽人少孤事繼母甚謹永樂二年以儒士
赴京上書請就職養母詔命翰林院試其文得洪
範九疇論以進上覽而奇之授檢討尋病卒

鄭義字伯集潮陽人十五而孤居喪以孝聞及壯通
經史及諸子六書星歷之學永樂辛卯領鄉薦王

辰成進士授北流教諭宣德初以母憂歸服除擢
周府長史周王重其學有加禮嗣王立義撰奉藩
十五事以進王嘉納之在國十餘年多輔導功尋
上書乞骸骨不報卒於官所著有右史集梅花百
詠

劉玘字允璋潮陽人永樂丁酉領鄉薦辛丑成進士
授兵部車駕司主事坐忤大臣放歸登臨題詠著
述甚富明初邑中能爲詩歌古文玘實倡之

王彰字廷顯澄海人宣德乙卯解元正統己未進士
授刑部廣西清吏司主事持法平允尤善詩文人
潮州府志 卷二十九 人物 文苑 王 珠蘭書屋

以遠大期之後註誤謫居平城藩府薦爲教授不
就嘗修族譜嘆曰范希文謂生無以恤祖宗沒何
以見祖宗吾不能爲希文事業然此譜之成或亦
仁人孝子之用心也有金臺集雲中藁行世

鄭文奎字永章號慎齋潮陽人幼岐嶷有大志下筆
輒驚人邑令迎聖節文奎年幼隨衆往觀令偉其
貌試以聯曰玉珮玳瑁出東郊而迎聖節奎應聲
曰旂旄擁簇駐北塞以掃吳塵其才思敏給如此
弱冠舉正統丁卯鄉薦揭曉前一夕主家夢一人
踉蹌入室問繡衣安在悲切作訴冤狀詰爲誰曰

着青者及旦見文奎獨示青心異之榜發主人以夢告固知爲臺諫中人景泰甲戌成進士授監察御史性耿介治獄詳慎在南臺九年清勤如一日成化丙戌擢四川重慶守重慶爲蜀大郡奎以風憲體行郡守事吏畏民懷當道頗銜之藩司馬顯入覲誣以有疾冢宰李秉笑曰此官病在骨鯁馬慙而退未幾以父憂去官服闋補雲南府有權貴索餽獻奎無所有引疾歸築燕居堂賦詩自娛卒年八十有五子嘉譽舍山令

蕭泰字宜安潮陽人成化甲午讀書東序臥榻下產潮州府志

卷二十九 人物

文苑

三

珠蘭書屋

靈芝尺許是秋領鄉薦己未銓授安州牧未幾致仕年八十二詩文馳譽一時白沙先生寄韻有瘦藤扶上小廬山東望何州不見顏之句

陳理字子文饒平人成化庚子舉人從伍文定受春秋官德興教諭與大宗伯張需相唱和詩名藉甚升浦城令遭疾歸以道義爲時所宗

許洪宥字舜仁海陽人宏治辛酉舉人授臨桂教諭以學行最徵爲御史敢直言時刑科給事中寶明以言事下獄洪宥疏救獲免以父憂歸卒於家所著有龍江集易經管見

薛雍字子容饒平人郎中張公翹謫潮雍上書論時事張大奇之嘉靖辛卯鄉薦以親老不會試讀書蓮花山聞親病月夜跼蹐歸虎眈眈伏草際不爲却步喜參稽天下之務及天官律歷諸書著策四十三篇詳明博洽偉然經濟才親沒數上公車不第嘗語人曰吾視恆情所羨不啻土苴矣未仕而卒有南湖詩集傳世

陳天資饒平人嘉靖乙未進士歷官至布政使致政歸以道誼爲鄉里所重留心文獻著東里志兵燹之後掌故藉以不沒

潮州府志

卷二十九 人物

文苑

三四

珠蘭書屋

陳一松字宗巖海陽人嘉靖丁未進士選庶常除兵部主事遷湖廣僉事乞歸終養母寢疾侍湯藥衣不解帶者逾年比卒哀毀廬居免喪補蒼梧道調福建儲糧道湖廣副使陝西叅政升福建按察使江西右布政應天府尹所至有聲民爲立祠祀焉轉大理寺卿晉工部左侍郎督修皇陵加俸服一級乞省墓歸杜門謝謁卒於家論祭葬生平不迎合上意然亦無刻覈故無後艱云所著有玉簡堂集行世

王天性號槐軒別號半愁澄海人嘉靖壬子鄉試第

四初授盱眙教諭升上高令擢南昌通判性剛令
不阿繩權貴以法御豪右維嚴名聞遠邇而見忌
同寮尋註誤落職遂拂衣歸澄海初設縣治無志
書天性與邑令王嘉忠手創訂歷數十年海氛還
斥百物俱廢後人猶可按籍而知者天性之力也
其鄉濱大河歲多水患乃捐貲築堤居民賴以無
恙著牛愁集祀鄉賢

鄒迪字時吉其先福建莆田人迪始籍海陽中嘉靖
辛酉鄉試受知太倉王文肅公授中書舍人轉戶
部主事督理白糧釐剔夙弊尋卒祀鄉賢有青那
潮州府志 卷二十九 人物 文苑 五 珠蘭書屋

山人集俟知堂集

劉守元號健庵饒平人嘉靖甲子登鄉薦博極羣書
尤留心時務嘗謂南澳爲閩粵門戶當設重鎮以
資彈壓後果如議人服所見之早邑令吳楚材聘
修縣志未成卒

宋汝翼字志彥號繩錫揭陽人少聰穎能日記數千
言長而慷慨遇事義形於色年二十爲諸生性曠
達不事生產家益落猶日縱情於詩酒之間

饒與齡字道延大埔人萬歷癸酉領鄉薦己丑成進
士補中書舍人甫兩月病卒著新磯題咏松林漫

談三溪集謾筆稿

陳元勳號礪謙澄海人性聰穎寓目成誦爲文宗唐
宋有才識萬歷丙子舉於鄉壬辰成進士官司李
改應天教授升國子監助教轉戶部貴州清吏司
主事剔弊釐奸肅清戶政以病乞歸未幾卒祀鄉
賢

吳仕訓字光卿潮陽人中萬歷丁酉鄉試師事吉水
鄒南阜得理學正宗初授福安教諭遷柳城令值
兵凶之後招徠撫綏頗著循聲大吏交章薦時魏
瑞用事仕訓不爲屈不得入臺省以常資轉福州
潮州府志 卷二十九 人物 文苑 五 珠蘭書屋

郡丞柳人立廟與極柳州並祀焉未幾引疾歸當
事時造門詢利弊惟割洋波二都歸普寧潮之豪
右挾私以爲不便仕訓亦阿附其說致書當道不
諳大體士論少之桂嶼寇警力請官兵破賊民賴
以安生平多著作歷修潮陽福安二縣志卒年八
十六

黃錦字網庵饒平人萬歷己酉舉人天啓壬戌進士
由庶常授檢討與修神宗實錄知制誥時魏瑞方
猷將建生祠於太學乃乞藩封冊使以出懷宗卽
位轉少詹充日講官以觀治狀察條陳寬註誤量

出入對明日出大司寇鄭三俊於獄升吏禮二部
侍郎時有饒平宣化下半都改隸漳州之議得錦
力爭乃止己卯九月命樞輔楊嗣昌勦流寇九卿
集直房候旨楊向同官有乏才之嘆錦曰大才宜
早儲中才則張示司馬門自有應者人謂立言得
體以疾歸年八十卒於家

葉芝字國英澄海人九歲有文名屢躋場屋年五十
棄舉子業隱西麓園築小山石蓮洞半舫亭紫塢
諸勝日與騷人遷客分韻賦詩著西園稿五雲紀
遊小山寓言石蓮洞詩一指月咏史絕句書畫尤

潮州府志

卷二十九

人物

文苑

三

珠蘭書屋

按葉芝舊傳萬歷癸卯副車與兄葇同
工榜查府縣志選舉表並無其人姑闕之

姚孫焜字昌熙潮陽人年十二與弟孫炳同受知學
使者時稱雙壁天啓丁卯鄉試焜獲雋焜中副車
兄弟孝友有節操交遊多海內名士江右羅萬藻
四明董守倫皆文字知己炳與延陵楊球尤密迨
楊守潮吏有挾重貲求釋罪者炳正色拒之焜性
樂施予家小康而周急賑飢無吝色乙酉土寇犯
潮相戒曰姚氏世德勿入其門

黃奇遇字亨臣揭陽人少孤恪守母訓以文章知名
登崇正戊辰進士授固安縣令時前令繫獄無嗣

遇憐之遺以婢及葇而生男甲戌入覲太監張彝
憲用事遇不爲屈對策稱旨擢翰林編修與修實
錄旋以母憂歸終身不出讀書課子自號綠園居
士

馬光龍字受攀潮陽和平里人有風慧九歲能文弱
冠補弟子員崇正丙子舉於鄉兩上南官丁國變
浮沉嶺外以宿負時名起授中翰首輔何香山及
晏黃諸公成器重之終無意當世事放歸結廬里
西之中洲飄然作世外想里瀕海康熙甲辰遷界
龍上書極陳要害當事善其議和平一里獲免癸

潮州府志

卷二十九

人物

文苑

三

珠蘭書屋

丑董修邑志未脫藁而亂光龍風度蘊藉博極羣
書自經史稗官今古文詞及琴音字無不考究晚
更號確乎與二三知己嘯咏於山水之間

陳邦典字奇暢澄海人性奇穎垂髫補弟子員試輒
冠其曹邑令馮明玠負海內重望於邦典稱異才
雲津社文韓亭選課一時傳寫紙貴屢試不遇順
治間以歲貢終

謝宗鎰字儒美澄海人少負詩名兼舉子業郭之奇
薦之以母老不赴己卯領解無意仕進終於家著
觀古堂集遜齋集

謝元汴字梁也澄海人母以節著督責甚嚴元汴奮

志下帷中崇正壬午舉人癸未成進士知貢舉奇

其才擬館選汴以母老辭南歸旋聞國變北向慟

哭海寇破澄負母踰城逃得免於難偕隱大田泥

塘著盡言放言霜山堂陶霜吟諸集

陸應奎海陽人中崇正壬午鄉試有文名癸巳死於

僞鎮郝尙久之亂弟卿已卯舉人風流軼宕聲氣

半天下吳蘭雪序其詩以行世卒於廣州

陸展箴榜名禧字迎侯饒平人崇正壬午舉於鄉未

幾丁國變遯跡巖谷十餘年不知塵世事後起用

潮州府志 卷二十九 人物 文苑 三 珠蘭書屋

涑水令士蒙其教民被其休九載告歸捐修桃源

路四十餘里壽八十一著觀花閣留花陰琴言涑

水志

林雋胄字介文銘球子也有文名尤工詩崇正恩貢

授職方主事謝病歸隱居崑山順治八年以原官

錄用因母老乞終養晚年益肆力於學著有時山

集西溪草堂詩

姚喜臣字欽颺潮陽人於書無所不讀崇正間拔貢

鼎革後絕意仕進廬先人墓側日夕哀吟海內知

名士咸悲其志康熙丁卯修舊志爲詩清峭突兀

如其人與

程周量

輩往

來唱和著有溪雲廬詩集

吳時燭字玉伯潮陽人丰標俊逸蚤負才名不喜言

世事惟以詩文自適交遊滿天下皆一時奇士弟

梓字叔材博涉古籍工書與兄皆諸生人稱二難

唐祖蔭字啓先惠來龍溪都人負氣節博學能文髫

齡食餼遊晉江時黃景昉爲諸生一見如平生歡

共筆硯師事明經黃祥岳歸應粵闈助贈詩有黃

金臺上方搜寶定拔珊瑚出海濱之句時際明季

絕意功名以一衿老

潮州府志 卷二十九 人物 文苑 三 珠蘭書屋

鄭黃道字灼凡海陽諸生博學嗜古歷寒暑下輟爲

古文詞兼擅諸家之長學使魏浣初賞其文拔明

經第一任新寧訓導升龍門教諭會山寇爲變守

陴五月臺使者疏薦之不就辭歸撰述益富戶外

問字者屢常滿

蕭元溥字若允號然美大埔人性穎異博學能文授

徒多所成就子孫稍有過督責不少貨族黨咸敬

畏之評選詩古文著尙書要解知濠園詩文集與

陳園公李梅庵侯止庵爲文章交兩舉鄉飲賓

王文禮號仰平澄海人工舉業旁及星歷地理諸書